



Helbestên (çengên te ez bi firê xistim)

Yasîn Hisên
Amûdê

Piştî dûr bûneke kûr û dirêj, û piştî kûrbûnekê dûdirêj ji xerîbiyê û geryanê, Abdulkadir Mûsa helbestên xwe bi bihneke teng avêtin ser rûpelan, û bi bihn tengiyek bê hempa ew di pirtûka xwe de (Çengên te ez bi fire xistim) li hev kom kirin. Ku her helbestek ji helbestên vê pirtûkê nîşana ne tebata wî ye mîna helbestvanekî ji zarotiya xwe de di nava helbesta de dijiya, û bi helbestî di girnijî û bi helbestî silav dikir û bi tenikiya dilê helbestvanekî jî çavê xwe digirtin li benda suhtina xwe di westiya da bê dawî bijî, çiku suhtin, suhtina giyanekî ku ne bi helbestê be na hedine, û wisa A.Mûsa hestên xwe ber bi jor ve difirîne, di şikeftikên esman de, û wan vedigerîne şevên ronî li erdê da bibin helbest û di dawiya her helbestekê de mina stêrkan biçirsin.

Dimrim

Ji bo te ha...,ma te hay jê heye?

can disojim, da ronîbikim koşeyekê ji taristana te
û hemû derdorên me pifdikin..!

û yek jî nabêje " Hella" û xwe disojim, ha...

da pitikek ji ariya canê min, bi ber bê re,
têkeve çav û pozê bênamûsan!

xwe disojim

ta...

bê dawî...

bi...jî..m...

R(19)

Her ariya canê helbestvan, û helbest pozê bênamûsan herdem dişewitîne, û wisa nameya vê helbestê dergehê rola helbestê di civakê de ber fireh vedike, di dema ku çavê bênamûsan ji mal û milkê dunyayê têr û bar nabe, divê ku helbest pozê wan bênamûsan bi şewitîne. û mebest ji gotina (bênamûsan) gelek wateyên wê hene divê helbestê de , ewin ên ku hiştine helbestvan dûrî dilopek ava ji mizgefta mezin bikeve, û ewin ên ku tayek Endeko lê kirin bi hesret, û ewin ên ku ew dûrî zarokên bajarê wî xistine...lê helbestvan her bi sirûdên dibistana re, sirûda Dayikê bi ba re li rûçikên wan dixîne.. û her tiliyek wî dibe heyvek, di dema nivîsa

helbestên de wan li hev kom dike, da bi hêminê xilmaş bibe. Bi wêneyek helbestî dagirtî ji wateyan A. Mûsa ji dema girtina wî ji nivîsokê re, hasten xwe bi tiliyên xwe şirove dike:

Deh heyvên ji destên min daliqiyayî
Ji nav haw-haw ketî, dişemitin...
Ji esmanê lepê min,
Ji germa xwêdanê, xwêdana destekê werivî,
di evîna tiliyên bilyayî bi helbesteke şikestî re
ku xwe ber hev dike, xwe yek dike ..
da xwe diyarî sêngê bike
û di bin çengekê de xilmaş bibe.

R(25)

Her diyare ku babeta sereke ji helbestên vê pirtûkê re evîne, lê evîna çi û ne çi? Evîna yareke kevn û yareke nuh û yarên ku hîna di wê di nava rêzên helbesta de çav li rê ye, evîna warê wî, evîna helbestên Ehmed Arif û tabloyên Seîd Rêzanî...û cizbûn û nifreta wî ji gotina (na) re. û her canê wî ji evîne zuha nabe:

Carekê biryar da, ku dest jê berde,
herdû destên xwe
herdû destên xwe...
diyarî wê kirin

R(40)

Di helbesta (malavahiya gulistaneke sax) de, A.Mûsa ew riyên dirêj di navbera şermola(Amûdê) û Bonnê de, teng û kin dike, me bi xwe re dibe nava berfa du welatên dût, yek li rojhilat û yek li rojava, mîna helbestên Hayko yên Japonî di her pênc beşên dawîyê de helbestên xwe dugvêşe:

-4-

tu nêzîk dibî!
bi sibehê re dengê pepûk û qiralka qn li sere gir
li vir di came de dibhîzim.

-5-

Tu nêzîk dibî!
ha tu li virê her gav...
ma êdî tu ji min bernadî...!

R(67)

Her A.Mûsa qirika me jî zuha dike div ê bizava xwe de, ev bizava ku ji encama wan salên dûtûdûtê ji bêdengiya wî bûn. Lê her her dimîne

helbestên wî(Çengên te ez bi fire xistim), destpêkeke ji helbestvanekî kevnar re, ku diyar be helbestvanekî xwedî ezmûneke berfirehe û xwedî zimanekî helbestî resene.

- (Çengên te ez bi fire xistim) Abdulkadir Mûsa –helbest- çapa yekem 2007... ji weşanên dezgeha Semakurd ya çand û hunerê..

